

LOKALNI PODSTICAJI I OLAKŠICE ZA ZAINTERESOVANE PRIVREDNIKE NA PODRUČJU OPĆINE BOSANSKA KRUPA

Olakšice koje nudi Općina definisane su Odlukom o komunalnim taksama (Službeni glasnik Općine Bosanska Krupa broj 12/09), Odlukom o izmjeni i dopuni Odluke o komunalnim taksama i tarifi komunalnih taksi (Službeni glasnik Općine Bosanska Krupa broj 13/14) te Općinskom Odlukom o građevinskom zemljištu (Službeni glasnik Općine Bosanska Krupa broj 4/10).

Članom 8. Odluke o komunalnim taksama (Službeni glasnik Općine Bosanska Krupa broj 12/09), visina komunalne takse se umanjuje po gradskim zonama i to:

- u II gradskoj zoni se umanjuje za 20%
- u III zoni se umanjuje za 30% od iznosa utvrđenog u prvoj zoni

Za privredne subjekte koji se bave proizvodnjom, komunalna taksa ne može biti veća od 500,00 KM bez obzira na kvadraturu poslovnog prostora, zonu u kojoj se poslovna aktivnost obavlja i koeficijent pogodnosti, a za sve ostale obveznike visina komunalne takse ne može biti veća od 7000,00 KM.

Članom 16. Odluke o komunalnim taksama (Službeni glasnik Općine Bosanska Krupa broj 12/09), od plaćanja komunalnih taksi su oslobođena sva lica koja obavljaju djelatnosti:

- izrada umjetničkih mozaika, vaza; izrada čipki, tapiserija i drugih umjetničkih tkanja; cizelerski i graverski radovi; lončarska djelatnost; kazandžijska djelatnost; puškarska djelatnost i opravka; izrada narodnih nošnji i odijela, užarsko-metlarska i četkarska djelatnost; opravka ortopedskih pomagala; bojadisanje (farbanje vune); opravka i tapaciranje namještaja; štavljenje kože i krzna; jorgandžijska djelatnost; izrada svijeća; sedlarsko-remenarska djelatnost, popravka o pružanju usluga u obučarskoj djelatnosti; vodeničarska djelatnost, proizvodnja kreča; proizvodnja drvenog uglja; kovačko-potkivačka djelatnost; popravka i pružanje usluga u tašnarskoj djelatnosti; izrada i presvlačenje dugmadi; kalaisanje, emajliranje i cinkovanje posuđa; korparska djelatnost; izrada narodnih instrumenata; slikanje na tekstilu, tekstilnim vlaknima, staklu i keramici; plisiranje tkanina; dimnjačarska djelatnost; mještaj za boravak; umjetnička izrada predmeta isključivo od bakra; izrada duboreza u drvetu; popravka i pružanje usluga u časovničarskoj djelatnosti (opravka satova); proizvodnja meda i proizvoda od meda do 50 košnica i hemijsko čišćenje, odnosno sva lica koja obavljaju djelatnosti utvrđene Odlukom o utvrđivanju niskoakumulativnih i deficitarnih zanatskih, proizvodnih i uslužnih djelatnosti na području Unsko-sanskog kantona (Službeni glasnik Unsko-sanskog kantona broj 7/03), osim djelatnosti prevoza putnika taksi vozilima i brijačke djelatnosti.

Članom 17. Odluke o komunalnim taksama (Službeni glasnik Općine Bosanska Krupa broj 12/09), od plaćanja takse za istaknutu firmu oslobađaju se fizička i pravna lica koja su registrirala proizvodne djelatnosti i to:

- za prvu godinu rada 100%
- za drugu godinu rada 50% od ukupnog iznosa taksene obaveze.

Važna olakšica kod utvrđivanja iznosa komunalne takse za istaknutu firmu je određivanje koeficijenta pogodnosti koji se koristi kod obračuna visine takse množenjem sa površinom prostora i cijenom po 1m².

Koeficijent pogodnost se određuje od vrijednosti 12 do vrijednosti 0,07. Određuje se tako da se za poslovne prostore sa velikom površinom, djelatnosti iz oblasti usluge i proizvodnje i sl., koeficijent pogodnosti određuje maksimalno do vrijednosti 3, te je u konačno utvrđenoj visini obaveze iznos obračunate komunalne takse znatno manji.

Odlukom o izmjeni i dopuni Odluke o komunalnim taksama i tarifi komunalnih такси (Službeni glasnik Općine Bosanska Krupa broj 13/14), u zoni „Zanatski centar“ određenoj kao Centar za podršku i razvoj poduzetništva (Odluka o proglašenju Zanatskog centra - „Centrom za podršku i razvoj poduzetništva - Službeni glasnik Općine Bosanska Krupa broj 11/14),

Općinskom Odlukom o građevinskom zemljištu (Službeni glasnik Općine Bosanska Krupa broj 4/10), u članu 29. navedene su olakšice koje se odnose na visinu rente kod izgradnje proizvodnog prostora te se ista umanjuje ako će u poslovnom prostoru biti uposlen određen broj radnika.

Navedenim članom a vezano za visinu rente kod izgradnje proizvodnog prostora određene su sljedeće olakšice:

- za 10% ako se u tom prostoru upošljava najmanje 10 radnika
- za 20% ako se u tom prostoru upošljava između 11-20 radnika
- za 30% ako se u tom prostoru upošljava između 21-30 radnika
- za 40% ako se u tom prostoru upošljava između 31-40 radnika
- za 50% ako se u tom prostoru upošljava između 41-50 radnika
- za 70% ako se u tom prostoru upošljava između 51-70 radnika
- za 90% ako se u tom prostoru upošljava između 71-90 radnika